

# **Gosod Cyfeiriad**

***Gwasanaeth Ymgynghorol a Chynnal Llysoedd  
Plant a Theuluoedd (CAFCASS)***

**Adroddiad gorolwg o raglen o chwech o arolygon llinell sail a  
gyflawnwyd o**

**Mawrth i Ragfyr 2002**

**Crynodeb Gweithredol**

Bu'r Arolygwyr canlynol yn ymwneud â rhaglen MCSI o chwech o arolygon llinell sail o'r CAF/CASS rhwng Mawrth a Rhagfyr 2002 sy'n ffurfio sail i'r adroddiad hwn:

**Andy Allen**

**Julie Barnes**

**Cheryl Beach**

**Kit Chivers**

**Geoff Gurney**

**Steve Hunt**

**Steve Jacobs**

**Yvette King**

**Arran Poyser**

# Rhagair y Prif Arolygydd

Y llynedd adroddais ar flwyddyn weithredu gyntaf CAFCASS mewn adroddiad o'r enw *Sefydlu*. Ar y pryd roedd CAFCASS yn mynd drwy gyfnod anodd ac yn cael ei effeithio, roedd yn ymddangos, gan un broblem ar ôl y llall.

Mae'r adroddiad hwn ar arolygon MCSI yn yr ail flwyddyn yn dangos bod y storm wedi cilio ac mae darnau o awyr las yn dechrau ymddangos. Mae llawer i'w wneud o hyd, ond o leiaf mae'r amodau allanol bellach yn ei gwneud hi'n bosibl i ddechrau gosod cyfeiriad. Dangosodd adroddiadau ar Ranbarthau unigol yn y flwyddyn ddiwethaf fod y gwasanaeth yn anwastad, a bu adegau a lleoedd lle mae oedi wrth rannu gwaith i'r llysoedd wedi bod yn annerbyniol. Ond mae strategaeth bellach yn ymddangos a fydd yn arwain, drwy harmonieiddio a chydgyfeiriad o ran y gweithlu, at wasanaeth mwy effeithiol ac wedi ei reoli'n well mewn blynyddoedd i ddod.

Bu llawer o ddatblygiadau cadarnhaol yn y flwyddyn ddiwethaf, fel y dengys yr adroddiad. I dynnu sylw at dri yn unig:

- ❑ mae'r sefyllfa ariannol bellach yn llawer cliriach. Mae rheoliadau ariannol yn eu lle ac mae risgiau yn cael eu rheoli mewn dull systematig
- ❑ mae cysylltiadau gyda staff wedi eu hailgreu, gyda threfniadau cytundebol newydd yn cael eu cynnig a recriwtio allanol llwyddiannus
- ❑ mae cyfathrebu, yn fewnol ac yn allanol ymysg y gymuned broffesiynol, yn llawer gwell.

Mae'r adroddiad hwn yn rhoi canmoliaeth ddyledus i holl staff CAFCASS, sydd wedi dangos ymrwymiad enfawr yn wyneb y pwysau ar y gwasanaeth. I ryw raddau mae CAFCASS yn dal yn y cyfnod o gael ei sefydlu. Nid yw'r cyfeiriad wedi ei benderfynu yn llwyr eto ac mae'n bosibl y bydd peryglon sylweddol o'n blaenau. Ond mae'r corff yn ennill hyder ac yn deall yn llawer gwell beth sydd angen iddo ei wneud bellach i lwyddo.

Yn arbennig, mae tri o ofynion yr hoffwn dynnu sylw atynt:

1. mae angen i'r Bwrdd barhau i weithio i egluro ei rôl mewn perthynas â'r Tîm Gweithredol, fel y gall cynllunio a chymryd penderfyniadau gael eu symleiddio, fel y gall ansawdd penderfyniadau gael ei wella ymhellach, ac y gall llinellau atebolrwydd gael eu cryfhau
2. mae angen i'r corff yn gyffredinol fod yn eglurach ynghylch yr wybodaeth rheoli y bydd arno ei angen, fel y gall fod yn sail ar gyfer gosod targedau ac asesu perfformiad yn ddeallus
3. mae angen i CAFCASS fod yn 'agosach at ei gwsmeriaid'. Mae angen iddo ofyn i'r rhai sy'n derbyn y gwasanaeth pa ffurf o wasanaeth a fyddai o fudd mwyaf iddynt o fewn yr adnoddau sydd ar gael, yn hytrach na dim ond cynnig gwasanaethau a etifeddwyd oddi wrth ei ragflaenwyr. Mae arno angen gallu i 'farchnata' i ymchwilio i arfer gorau a dylunio gwasanaethau newydd a fydd yn dod â'r budd mwyaf i blant a theuluoedd.

Yn fwy na dim, mae angen i CAFCASS bellach fod yn uchelgeisiol. Byddai wedi swnio'n wirion dweud hynny y llynedd pan oedd ganddo gymaint o broblemau, ond dyna fesur o ba mor bell y mae wedi dod. Bellach, mae arno angen mynegi ei amcanion yn nhermau rhagoriaeth – mewn arbenigedd, mewn ansawdd gwasanaeth ac mewn cyflwyno gwasanaeth cost effeithiol. Mae angen i CAFCASS ddod yn gorff y mae ei holl staff yn falch o fod yn gweithio iddo ac sy'n cael ei gydnabod gan y gymuned broffesiynol fel canolfan arbenigedd genedlaethol yn ei maes.

Gyda llawer o faterion y mae CAF/CASS yn ymdrin â hwy, ychydig o gonsensws a geir am y ffordd orau i helpu plant a theuluoedd. Mae'r gwasanaeth i ryw raddau yn dal yn y cam 'cyn-wyddonol', pan fo'n anodd sefydlu mesurau dibynadwy o lwyddiant a gosod targedau ar gyfer gwelliant. Ond ni all CAF/CASS sefyll o'r neilltu a disgwyl i gonsensws ymddangos. Mae angen iddo ysgogi penderfyniadau nad ydynt efallai wedi cael cymeradwyaeth gyffredinol, ond sy'n ddigon da i weithio gyda hwy. I wneud hynny mae angen pobl o statws gydnabyddedig ar ei ochr i helpu i ffurfio'r dewisiadau strategol ac i roi awdurdod iddynt.

Talaf deyrnged i'r Bwrdd ac i holl staff CAF/CASS am helpu'r gwasanaeth newydd drwy'r ddwy flynedd ddiwethaf. Mae pawb yn cytuno mai sefydlu CAF/CASS mewn egwyddor oedd y peth iawn i'w wneud. Mae ganddo botensial enfawr i fod o les. Mae bellach, o'r diwedd, mewn sefyllfa lle gall anelu at wireddu'r potensial hwnnw.

A handwritten signature in black ink, appearing to be 'Kit Chivers', written over a faint horizontal line.

**Kit Chivers**

**Prif Arolygydd EM Gwasanaeth Llysoedd yr Ynadon**

Mawrth 2003

# Crynodeb Gweithredol

**Rhagarweiniad** Mae'r crynodeb hwn o'r adroddiad *Gosod Cyfeiriad* yn tynnu sylw at y cynnydd y mae CAF/CASS wedi ei wneud yn ystod 2002 i sefydlu ei hun fel corff effeithiol a phwrpasol. Mae'n cyflwyno prif gasgliadau ac argymhellion MCSI o arolygu'r Pencadlys yn Hydref a Thachwedd 2002. Atodir argymhellion yn deillio o arolygon yn y Rhanbarthau ac yng Nghymru.

**Prif gasgliadau ac argymhellion** O ran **llywodraeth gorfforaethol (paragraff 2.3)** yn ei ddyddiau cynnar yn ystod 2001/02, sefydlodd CAF/CASS yn fras drefniadau llywodraethu boddhaol i sicrhau priodoldeb wrth gynnal ei fusnes. Roedd rheoliadau ariannol yn foddhaol ac roedd y rhan fwyaf o'r gweithdrefnau ariannol a'r rhagofalon angenrheidiol yn eu lle, er y cymerodd amser hir i'r corff ddeall ei sefyllfa ariannol yn briodol.

Gweithiodd Bwrdd CAF/CASS a'r Tîm Gweithredol yn galed i sefydlu perthynas waith gadarn. Ond roedd perygl o hyd o 'or-lywodraethu', oherwydd bod goruchwyliaeth gyfun y Bwrdd ac Adran yr Arglwydd Ganghellor yn tueddu i fod yn feichus ar y Tîm Gweithredol.

Er bod CAF/CASS wedi dangos rhywfaint o wendid yn ei flwyddyn gyntaf yn nhermau arweiniad ei weithlu proffesiynol, sicrhawyd gwelliannau sylweddol yn y flwyddyn o dan arolwg.

## **Mae MCSI yn argymhell:**

- dylai'r amcan o gael dau gyfarfod cyhoeddus y Bwrdd yn flynyddol gael eu cyflawni yn 2003/04
- pan ddaw cytundebau cyfredol aelodau'r Bwrdd i ben, dylai LCD fanteisio ar y cyfle i wneud arolwg o amodau a'r modd y defnyddir aelodau'r Bwrdd.

## **O ran rheoli adnoddau ariannol (paragraff 2.72), argymhella MCSI:**

- dylid ymdrin â materion yn ymwneud ag amrywiad mewn costau cyflogau rhwng Rhanbarthau cyn gynted â phosibl wedi cwblhau'r harmoneiddio
- dylid ymdrin â materion brys i sicrhau bod cyllidebau yn cael eu dyrannu'n deg rhwng Rhanbarthau.

Yn ei **strategaeth a'i reolaeth perfformiad (paragraff 2.28)**, llwyddodd CAFCASS i gynnal y rhan fwyaf o'r gwasanaethau llinell flaen. Roedd enghreifftiau o gynllunio da yn ymdrin â chyllid, llety, technoleg gwybodaeth (TG) ac agweddau ar adnoddau dynol yn ogystal â chynlluniau gweithredu rhanbarthol.

Roedd y Gyfarwyddiaeth Gweithrediadau yn ei chanfod yn anodd i ddangos cyfeiriad strategol clir mewn perthynas â datblygiadau polisi allweddol ac wrth ymdrin â gwendidau mewn gwasanaeth. Dioddefodd hygyrdedd materion gweithrediadol ar adegau yn fewnol a chyda rhanddeiliaid. Roedd CAFCASS yn cael anhawster i gytuno ar y data gweithrediadol oedd yn angenrheidiol i sicrhau bod diwylliant rheoli perfformiad effeithiol yn cael ei sefydlu.

### **Argymhella MCSI:**

- dylid cymryd camau i gryfhau polisi a gallu CAFCASS i ddatblygu arfer da yn y Pencadlys
- dylid cymryd camau ar frys i ddatblygu cysyniad clir o'r wybodaeth y mae ar y Bwrdd a'r Tîm Gweithredol ei angen i gael adroddiad arno'n rheolaidd
- dylid cynyddu adnoddau rheoli'r Pencadlys cyn gynted ag y bo darpariaeth gyllidebol yn caniatáu
- Dylid cymryd camau:
  - i sicrhau bod dealltwriaeth gliriach o rôl pob aelod o'r Tîm Gweithredol a lle bo angen cydweithredu
  - i roi mwy o sylw i roi gwybodaeth ragarweiniol i staff sy'n cael eu recriwtio i'r Pencadlys ynghylch pwrpas y CAFCASS a sut y mae'n cyflwyno gwasanaethau ar y llinell flaen.

O fewn y Pencadlys, roedd dealltwriaeth gyffredinol ynghylch busnes cyfredol CAFCASS a'r amcan cyffredinol ynghylch **lles plant (paragraff 2.41)**. Roedd CAFCASS yn ymwneud ag Adran yr Arglwydd Ganghellor a'r farnwriaeth i ymdrin â rheoli achosion yn well a chwtogi ar oedi.

Yn ddealladwy, roedd arferion ar y llinell flaen yn dal wedi eu gwreiddio'n gryf mewn dulliau a ddefnyddid cyn Ebrill 2001. Roedd yn rhaid gwneud gwaith i gytuno ar arfer gorau a llawer o bolisiau perthnasol o hyd, er bod y safonau gwasanaeth a gyhoeddwyd ym Mawrth 2003 yn ddechrau da.

### Argymhella MCSI:

- dylai CAFCASS ddatblygu strategaeth ar gyfer caffael gwybodaeth ac ymchwil, gan ganolbwyntio ar yr hyn sy'n gweithio wrth ymdrin â gwaith yn gysylltiedig ag achosion teuluol.

Roedd **adnoddau dynol (paragraff 2.92)** yn wynebu agenda gymhleth. Gwnaed cynnydd sylweddol mewn nifer o feysydd, fel sefydlu cytundeb gyda'r Undebau a pharatoi ar gyfer cysoni amodau a thelerau.

O ganlyniad i Arolwg Barnwrol Medi 2001 ynghylch hunan-gyflogaeth, daliwyd CAFCASS yn ôl tan 2002 rhag recriwtio rhai ymarferwyr ar y llinell flaen. Golygai hyn fod y broses o lenwi swyddi ymarferwyr weithiau wedi bod yn araf ac yn gymhleth.

Cydnabuwyd yr angen i CAFCASS gynnig amodau a thelerau deniadol er mwyn cystadlu'n llwyddiannus i recriwtio ymarferwyr profiadol a gweithredwyd ar hynny. Roedd cynllunio hyfforddiant ar draws holl grwpiau staff CAFCASS wedi bod yn ddarniog ac yr oedd, hyd yma, wedi methu â bodloni anghenion yn ddigonol.

### Argymhella MCSI:

- dylai data am flynyddoedd o brofiad ôl-broffesiynol ar gyfer ymarferwyr newydd gael mwy o gyhoeddusrwydd gan CAFCASS
- mae angen i CAFCASS allu arddangos gradd o dryloywder i weithredu ei weithdrefnau dyrannu ar gyfer ymarferwyr hunan-gyflogedig
- mae angen i reolaeth ranbarthol, sydd â rôl hanfodol i'w chwarae yn y gwaith o gyflwyno pecyn cysoni, gael ei gefnogi gan strategaeth gyfathrebu gref gan y Pencadlys.

Mae gwariant ar **adeiladau (paragraff 2.114)** wedi bod yn sylweddol. Ymdriniwyd â materion fel trin blaenoriaethau ar gyfer caffaeliadau, yn gyffredinol yn effeithiol. Ond effeithiwyd ar lunio penderfyniadau ynghylch caffael eiddo gan ansicrwydd am y gyllideb. Disgwylid i gynlluniau i allanoli trosglwyddo eiddo a phenodi staff allweddol godi safonau perfformiad ymhellach a chynnig gwerth am arian, ond roedd angen blwyddyn bellach i sefydlu strategaeth stadau effeithiol.

Er bod y gwasanaeth **TG** oedd wedi ei gontractio allan (**paragraff 2.122**) yn gyffredinol wedi parhau i berfformio'n dda, ni chafwyd digon o feddwl strategol yn ei gylch gan uwch reolwyr. Ymdriniwyd â hyn yn yr ymarferiad ail-dendro diweddar ond gohiriwyd cynlluniau am system rheoli achosion.

Roedd potensial y mewnrwyd a'r rhyngwrwyd yn cael eu gwireddu'n raddol ond roedd angen rhaglen hyfforddi fwy egniol i lawer o staff.

Mae MCSI yn **argymhell**:

- dylid rhoi sylw i ddatblygu cynllun hyfforddi cyffredinol ar gyfer TG
- mae angen datblygu cynlluniau wedi eu profi'n llawn ar gyfer adferiad wedi trychineb.

O ran **gofalu am Ddefnyddwyr Gwasanaeth (paragraffau 2.65 a 2.67)**, mae angen datblygiad pellach ar feddwl strategol ynghylch yr agweddau o gyflwyno gwasanaeth sy'n ymwneud â rhoi gwybodaeth.

**Argymhella MCSI:**

- dylai CAF/CASS gasglu gwybodaeth am gefndir ethnig Defnyddwyr y Gwasanaeth i gefnogi ei rwymedigaethau i gyflwyno ei wasanaeth gan roi ystyriaeth ddyledus i'r Ddeddf Cysylltiadau Hiliol (Diwygiad) 2000 a'r agenda amrywiaeth ehangach
- dylai CAF/CASS ddatblygu strategaeth ar gyfer cysylltu â defnyddwyr Gwasanaeth fel rhan o'i agwedd gyffredinol at sicrhau ansawdd
- mae angen datblygiad strategol pellach ar yr agwedd sydd ynghlwm wrth gyflwyno gwasanaeth.

**Gwybodaeth bellach:**

Anfonwyd copïau o'r adroddiad llawn *Gosod Cyfeiriad* at adrannau perthnasol y Llywodraeth, y farnwriaeth ac amrediad o gyrff statudol a gwirfoddol, yn ogystal â grwpiau defnyddwyr.

Cyhoeddir copi llawn o'r adroddiad hwn yn y Gymraeg yn fuan. Cyflwynir manylion am argaeledd y Crynodeb Gweithredol mewn ieithoedd eraill ar du mewn y clawr ôl.

Gellir gweld *Gosod Cyfeiriad* hefyd ar wefan AGLIY (MCSI) yn [www.mcsi.gov.uk](http://www.mcsi.gov.uk) ac ar wefan CAF/CASS yn [www.cafcass.gov.uk](http://www.cafcass.gov.uk)

## Gorolwg o'r argymhellion a wnaed mewn arolygon o'r Rhanbarthau a Chymru – Atodiad i'r Crynodeb Gweithredol

*Prif ddyddiadau'r gwaith maes* De Orllewin (DO), Mawrth 2002; Dwyrain (D), Mai 2002; Llundain Fwyaf (LlF), Mehefin-Gorffennaf 2002; Cymru (C), Medi 2002; Gogledd Ddwyrain (GDd), Rhagfyr 2002.

*Strategaeth a rheoli perfformiad* Dylai amcanion allweddol, amserlenni a mecanweithiau crynodeb ar gyfer gwaith yn gysylltiedig â strategaeth a rheoli perfformiad y rhoddir blaenoriaeth iddo am y flwyddyn gael eu cyflwyno ar gyfer yr holl staff rhanbarthol. Dylid sicrhau bod crynodeb o'r wybodaeth hon ar gael i randdeiliaid allweddol ar draws y Rhanbarth, fel y llysoedd, awdurdodau lleol a chyrrff sy'n gweithredu mewn partneriaeth (DO). Dylid gwneud gwell defnydd o wybodaeth rheoli i gefnogi a goleuo gweithredu Cynllun Cyflwyno'r Rhanbarth (D). Roedd angen trefniadau goruchwyllo a sicrhau ansawdd effeithiol ar gyfer Ymgynghorwyr y Llysoedd Teuluol newydd a staff asiantaethau wedi eu contractio am dymor byr yng nghyd-destun gweithredu'r Cynllun Adfer (LlF). Dylid datblygu strategaeth i sicrhau bod polisiau cenedlaethol a lleol yn cael eu dosbarthu, eu gweithredu ac y cydymffurfir â hwy yn gyson (C). Mae angen cymryd golwg ehangach ar ei gyfrifoldebau strategol drwy ddatblygu rolau arbennig y Rheolydd Rhanbarthol a'r Rheolwyr Tîm (GDd).

*Lles Plant* Roedd angen gwaith gyda'r llysoedd i sicrhau bod galw'r llysoedd am gyfranogiad y CAF/CASS mewn achosion yn cael ei fodloni (DO). Dylid egluro'r gweithdrefnau amddiffyn plant (D). Dylid gweithredu arfer gorau y cytunwyd arno gan ymarferwyr mewn perthynas â'u pwerau a'u dyletswyddau statudol fel y cyflwynwyd hwy yn rheolau'r llysoedd (LlF). Dylid cyflwyno sicrhau ansawdd ar gyfer y llys (D). Dylid datblygu arfer cyson mewn perthynas â phlant sy'n cael eu gweld yn ystod ymholiadau CAF/CASS ac i ddiogelu ac i hyrwyddo eu lles, a dylid gweithredu a monitro hyn (C). Dylai'r rhai hynny sy'n dyfeisio ac yn cyflwyno hyfforddiant drwy gyfrwng seminarau rhanbarthol gael cylch gorchwyl clir wedi ei gytuno ynghylch arfer proffesiynol (GDd). Dylid datblygu strategaeth i ymdrin â diffyg ymwybyddiaeth a sylw staff i faterion bioamrywiaeth a dylai'r Rhanbarth ddechrau casglu data cyson am broffil phlant a theuluoedd sy'n defnyddio CAF/CASS.

*Gofal Defnyddwyr y Gwasanaeth* Dylid cymryd camau ar unwaith i sicrhau bod gwybodaeth addas ar gyfer Defnyddwyr Gwasanaeth sy'n oedolion ac yn blant yn ymdrin â rôl swyddogion CAF/CASS mewn achosion cyfreithiol teuluol cyhoeddus a phreifat a sut i ddefnyddio ei brosesau cwynion (DO, D a LlF). Roedd angen gweithdrefnau clir ar gyfer cyhoeddi taflenni gwybodaeth a hefyd mesurau i

sicrhau bod y rhain yn cael eu dilyn gan staff (D a LIF). Roedd angen datblygu systemau a'u profi er mwyn cael barn enghreifftiol gan Ddefnyddwyr Gwasanaeth am achosion a gwblhawyd yn ddiweddar gan CAF/CASS ac ar gyfer sicrhau bod materion a godwyd yn cael eu dilyn i fyny yn briodol (D a LIF). Roedd angen datblygu strategaeth ar gyfer dysgu o gwynion (GDd).

#### *Adnoddau Dynol*

Dylai strategaethau hyfforddi sy'n briodol ar gyfer bodloni anghenion staff gweinyddol ac ymarferwyr gael eu datblygu a'u gweithredu (DO). Dylid blaenoriaethu amrywiaeth o fewn y Cynllun Hyfforddiant (D). Dylid cyflwyno gweithdrefnau ar gyfer nodi a rheoli risg (D). Dylid sefydlu Swyddog Cwynion a dylid cryfhau gallu rheolwyr (LIF). Dylid gwneud asesiad risg o anghenion o ran adnoddau dynol yn y tymor hwy (GDd). Dylid cymryd mesurau i sicrhau bod y staff i gyd yn derbyn arolygaeth a gwerthusiad ac y cynigir hyfforddiant priodol iddynt (C). Roedd angen gweithredu strategaeth glir ar atal trais yn y gwaith (C).

#### *Adnoddau Ffisegol, gan gynnwys TG*

Dylai'r staff i gyd fod yn ymwybodol o ofynion Iechyd a Diogelwch statudol a oedd yn berthnasol i adeiladau a ddefnyddiwyd gan y CAF/CASS. Roedd angen camau i sicrhau bod driliau tân rheolaidd yn cael eu cynnal (DO); bod gan yr holl swyddfeydd Dystysgrifau Tân (LIF) a bod cynlluniau effeithiol yn cael eu cyflwyno i wneud gwaith oedd heb ei wneud ond a oedd yn angenrheidiol yn statudol (LIF). Dylid gwerthuso'r defnydd o e-bost gyda llys arbennig ac, os yn bosibl, dylid ymestyn y cynllun peilot i lysoedd eraill ar gyfer trosglwyddo dogfennau yn electronig (GDd).